



10-05-2023

UPA2023/67
Paneeraq Olsen, Naleraq

Innuttaasut, suliaqartut/immikkut ilisimasallit, namminersorlutik inuussutissarsiortut, kommunit Inatsisartunilu partiit imigassamik akiuiniarnermi ataatsimut periusissialiornermi akuliunneqarlutik, ukiunut arlalinnut atuuttussamik ilisimatuussutsikkut uppersakkaniq toqqammaveqartumik imigassamut politikissamut toqqammavissamut suliakkiummik Naalakkersuisut peqquneqarnissaannik Inatsisartut aalajangiiffigisassaattut siunnersuut. Periusissiaq atuutilersitsinermi aningaasatigut allaffissornermilu kinguneqaatissanut naatsorsukkanik imaqassaaq, UPA2025-milu agguanneqassalluni.

(Inatsisartunut ilaasortaq Agathe Fontain, Inuit Ataqtigiit)

Naleqqaminngaaniit siunnersuuteqartumut Inatsisartunut ilaasortamut Agathe Fontain, Inuit Ataqtigiit siunnersuuteqarneranut qujarusuppugut.

Tamatta nassiuertuginiartigu, inuttut ataasiakkaatut, qinikkatut, suliffeqarfittut, inueqatigiittut ajornatorsiuteqaratta annertuumik. Tamatta ataatsimoorluta nassuertuginnikkuta ajornatorsiutigut aatsaat qaangersinnaavagut.

Imigassamik aalakoornartortalinnik imernerujussuaq suli annertoqaaq naak ukiuni kingullerni appariaateqangaatsiarsimagaluartoq 1990-ikkunnet sanilliullugu, aammalu nunanit allanit imernikin-nerulernikuulluta soorlu Qallunaat Nunaanni imerneq Kalaallit Nunaanit annertunersoq. Taamaattoq Naatsersueqqissaartarfiup kisitsisaatai qiviaraani 2022-mi imigassamik aalakoornartortalimmik imerneq inummut ataatsimut 15-ileereersimasumut 8,2 literinik imersimavoq. 2021-mut sanilliullugu inummut ataatsimut imersimaneq 0,5 literimik imaluunniit 6,2 pct.-imik appariartoq.

Tupa qiviaraanni tupa eqqussuuneqartoq kilunngorlugu nikissimanngilaq, tassa kisitsit 83.698 kg missaaniikagussimavoq tassanili maluginiagassaalluni cigaretsit appariaateqaraluartut snus-it eqqunneqartut qaffariartuinnavissimmata.

Kalallit Nunaanni Politiit nalunaarutaat 2022-ernisaq qiviaraanni takuneqarsinnaavoq angerlarsimaffimmi perulluliorneq, toqutsinerit, persutaanerit, kinguaassiutitigut kanngutsaatsuliornerit pingitsaaliinerillu appariartoratik qaffakkiartuinnartut aammalu aanngajaarniutinik eqqusuineq qaffakaluttuinnarluni.

Oqarniarta TASSA – nunat allat takutereerpaat, soorlu Island-imi ukiut 30-it atorsimavaat imigassamik atuinerup appaneqarnissaanut akiuiniarlutik, tamaanaluk aatsaat iluatsissimavoq tamaavissuarmik ajuniagaq ataatsimoorullugu suliarimmassuk, innuttaasut, angajoqqaat, atuarfiit ili



Naleraq

simatusarfiit, ilinniaqqiffiit, sulifeqarfiit, politiit taaneqarsinnaasut tamaavissuarmik isumaqatigiinnerisigut. Ataatsimoorlutik imminnut pisussaaffilersorlutik ukiut 30-it atorpaat taamaalillutillu inuusuttaasa nunaqarsuarmi iminngerpaanngorsimapput. Nuannaasorinat.

Nunatsinni imigassamut aangajaarniutinullu politikkeqarnissaq pisariaqarluinnarpoq ajornartorsiuterput qaangerneqassappat, tassanilu siunnersuuteqartoq isumaqatigaara ilimatuussutsikkut uppernarsarneqartumik tunngaveqarnissaa, nunarsuarmimi paasissutissanik tamatumunnga ulikkaarmat aammalu susassaqtut tamavimmik politikkiliornermi peqataatinneqarnissaat.

Naleqqaminngaanit kissaatigaarput Inatsisartut Ilaqutariinnermut Peqqissutsimullu Ataatsimiititaliaanut aalajangiiffigisassatut siunnersuut sukumiisumik suliarineqarnissaa pillugu ingerlatinneqassasoq.